



# Naunaitkutat Iluani Ittunut

---

|  |           |
|--|-----------|
| <b>Kangiqhipkaidjutit</b> .....  | <b>4</b>  |
| <b>Ihuiginikkut Havagut</b> .....  | <b>5</b>  |
| Ihuiginikkut 2022-mi Aviktuhimanirni .....                                 | 6         |
| Ihuigihuutit 2022-mi naunaitkutaatigun .....                               | 6         |
| <b>Havagvikkut ilihimajaa Ihuigijaunirmi</b> .....                         | <b>9</b>  |
| Avvait Ihuigijaudjutini Ihuarhaqtaujuun iluani Tatqiqhiutini Ulbuinni..... | 10        |
| <b>Ikajuqtaujuumin Naammaginiq</b> .....                                   | <b>11</b> |
| <b>Iniqtirutit</b> .....   | <b>12</b> |

# Naunaijautit

---

|  |    |
|--|----|
| Naunaitkut 1: Avvait Ihuigijaudjutini pihimajun ilitturipkaidjutait iluani qaffini havangnikkut ublunginni (Ukiunga 2022)..... | 10 |
|--|----|

# Naunaitkutit

---

|  |    |
|--|----|
| Naunaitkutaa 1: Ihuiginikkut 2022-mi aviktuhimanirni.....  | 6  |
| Naunaitkutaa 2: Tamaita Ihuigijaujuun Aallatqiingit Katitirvingit unalu Avikturhimajuni 2022-mi.....                                     | 8  |
| Naunaitkutaa 3: Avvait Ihuigijaudjutini pihimajun ilitturipkaidjutait iluani qaffini havangnikkut ublunginni Uqautaa (Ukiunga 2022)..... | 9  |
| Naunaitkutaa 4: Ikajuqtaujuumin Naammaginiq.....   | 11 |

# Qanuqtut Uqarvigijaami



**1-855-438-3003**



**patientrelations@gov.nu.ca**



**1-867-975-5388**



**Aviktuqhimajuni Atan'ngujaq  
Aanniaqtunut  
Havagivat Anniagtuliqijiit  
PO Box 1000  
Station 1050  
X0A 0H0**

Uqaqtakhatit pijumajavun atuqtavut una naunaitkutanik ihuarhigiami ikajuutit naunaiqhugulu havaanga munarijautiptiknik. Tujurniaqtavut uqaqhimajatit ihuaqtumun inungnun. Ilaliutidjavat uqaqatigijakhat naunaitkutanik, qiniqnaraptigu angirutit aadlanut uqariaptikni unipkaat hivitujumik hilataaptikni uqaqatigiikniqput titiqqat.

Aanniaqtailinirmut Havagvia havakhimmaaqtuq aularaanginnaqtunik pimmarigharutikhanik tamainni aanniaqtailinirmut havagutainnun.

# Kangihipkaidjutit

---

Una Havagvia Aanniaqtuni Ikajuqtiinni (OPR) piliuqtauhimajuq Taaqhivalirvia 12, 2013-mi. OPR tunivaktuq ilitturipkaidjutikhanik kiudjutigiplugillu ihumagijaujun, ihumaaluutit, kiuplugillu apirhuutit ilitturipkarhugin pimmarigharhugillu aanniaqtuni atuqpaktait Nunavunmiunnun. OPR amirivaktait ihumaaluutit pivaktait, pipaidjutiujug Aanniaqtailinirmut Havagviani munarijaami qanuriliuqtun piliurhutiklu parnaqutikhanik havaqatigiplugin pipkaijiit hivuliqtiillu pimmarighariami havagutinik tunidjutainnik tuhaumapkaidjutiniklu ilagivlugu nakuujumik naunaiqhaidjutikhamun havaktakhanun. Havaqatigivlugit ukuat Auahimmaaqtumik Nakuunikhamun Ihuaqhainikkut havaqatigiit ilauvlutiklu uumunga Nakuunikhamun Ihuaqhainikkut Katimajiit katimajuni, OPR tuhaqtitidjutigijait aanniaqtum nunallaaplu uqaqhimajainik naunaiqhiojaami qajangnaittumun nakuujumullu munarijaujaami ihumaaluutit Nunavunmiut uqaqhimajainik.

Pilik aallakkiiktunik qanuqtun ihumaaluutigijaujun tujuqtauttaaqtn OPR-kunnun, ilagivlugu:

- Nunavunmiut tunijaaqtait ihumaaluutitik havaktinun qanitqijat munaridjutimingnun (munarhiit, taaktiit, aallallu) ihuarharutikhainnun.
- Ihumaaluutit ihuarhaqtuangitpata talvani-munaridjutimingni, ihumaaluuti tunijauttaaqtug atanngujamun.
- Aallakkullu, ihumaaluutit tunijauttaaqtun taapkungalluaq OPRkunnun.

Taimaa ihumaaluuti pijaukpat tiqqakkut, qaritaujakkut-titiqqidjutikkut, kajumiktukkut, nipiliurutikkulluunniit, OPR ilitturipkarniaqtaa pihimalirniq ihumaaluutimik iluani 48ni ikaarnimi. Ihumaaluutit tunihauhimajun inungmin hivajautikkulluunniit ilitturipkaqtauvaktuq talvani pihimalirutainni. Ihumaluuti pihimajauliqqat, ilitturipkaidjutit tunihimajuq titiraqtauvaktun tunijauvaktullu ihuaqtunun inungnun ihivriuhijukhanun.


Taimaa ihumaalutiit ihuarhaqtauakpat umiktauakpallu, ihugijug uqaqatigijauniaqtug kiudjutimik, pijaaqtug naliinnik uqarnikkut titirarnikkulluunniit pidjutaani ajurnaadjutaani ihumaaluutimi. OPR pipkaijug tamaqpiatigun inungni hiamitiqtailidjutinik pitquihimajuqlu angirutimik qujaginnaq aanniaqtumin inungmilluunniit avatqumijumik ukiuqaqtumik 18nin, angajuqqaanginnin munaqtiinnilluunniit, piliriami havagutigijaamilu ihuigijaudjutinik.

# Ihuiginikkut Havagut



## Ihuiginikkut 2022-mi Aviktuhiimanirni

Ataani titiraqhimajut naunaitkutaa qaffiuniit ihuiguuutit tunijaujut aviktuqhimajutigut, ilaujut hilataani aviktuqhimajup.



Naunaitkutaa 1: Ihuiginikkut 2022-mi aviktuhiimanirni

## Ihuigihuutit 2022-mi naunaitkutaatigun

OPR naunaijaqtait ihuigijaujut hapkununga Pilluarhimajuni Qituni:

- Munarijaunirmun Ikajuqhiqtaunirmullu
- Aanniaqtup Ikajuqtia
- Tuhaqtipkainikkut
- Qajangnaittukkut
- Hiamitiqtailinirmun/Aanniaqtup Tahamaniittupluunniit Pilaarutait
- Aulapkaidjutikhanun
- Pijaami Idjuhimun
- Hivitunia
- Igluqpami Ihumagijaujun/Qanurinnia
- Taaktiliarutikkut Tingmidjutit
- Hiamitiqtakhaungittut

Amigaitqijjaq ihuiguutauhimajuq pijaat OPR-kut pihimajuq Munarijaunikkut Mamihaidjutikhanullu uqaqtauhimmaaqhimajuq tamainnin aviktuqhimajunin 2022-mi. Munarinikkut Ikajuqhiqtaunirmullu ilaqaqtuq:


- Nakuunianik munaridjutini
- Ihivriungnik
- Ilitturiniq/hanaqidjutit
- Aanniaqtuni munaridjutikhanun aturutaani
- Havaktini ajuiqhimajainni

Tukliq ihuigijajuq pilluaqtauvaktuq OPRkunnin pivaktaa pidjutilik Aanniarviliaqtunun Tingmidjutit. Aanniarviliaqtunut Tingmidjutikhainut naunaitkutikhainun ilaqaqtut ukuninga:

- Piqalluangittut uuminga/tingmijunut naunaitkutaqangittuq
- Tuhaqtipkainikkut ukunani tingmidjutinun titiraqti aanniaqtumullu
- Akiliuffaarniq

Pingahuat ihuigijajuq pilluaqtauvaktuq OPRkunnin pivaktaa pidjutilik aanniaqtunun munaqtiujunun. Aaniaqtup munaqtikhaanun qanurigininik ilaqaqtut ukuninga:

- Qingijajun munaqtikhamik tukhiqtunin
- Munaqtikhamik tukhiqtunin
- Uuktuffaarutit
- Ivianginin maamaktun mirraat



Naunaitkutaa 2: Tamaita Ihuigijaujun Aallatqiangit Katitirvingit unalu Avikturhimajuni 2022 -mi




# Havagvikkut ilihimajaa Ihuigijaunirmi

OPR piniarhimajuq havagvikkut ilihimajait tamaita inungnin ihuigijauniit iluani malruungni havangnikkut ubluni, turaanganiqarluni uuktuutimi imaa 80%mik avvaani nakuujumik aktilaagani. OPR piraangninnarhimajaa qaangiutigiplugulu una uuktuuti.

Kivallirmi, OPR nakuujumik ilihimajain inungnin ihuigijaudjutit iluani malruungni havangnikkut ubluni 97%ngupluni, imaalu 100%ngupluni iluani pingahuni talvunga tallimanun havangnikkut ubluni.

Kitikmeomi, OPR nakuujumik ilihimajain inungnin ihuigijaudjutit iluani malruungni havangnikkut ubluni 99%ngupluni, imaalu 99%ngupluni iluani pingahuni talvunga tallimanun havangnikkut ubluni.

Qikiqtaalungmi avikturviit, OPR nakuujumik ilihimapkaqtait inungnin ihuigijaudjutit iluani malruungni havangnikkut ubluni 90%kut imaalu 99%kut, taimaatun, imaalu ilihimapkaqtait tamaqpianginnik ihuigijaudjutinik iluani pingahuni tallimanun havangnikkut ubluni.



Naunaitkuta 3: Avvait Ihuigijaudjutini pihimajun illituriplikaidjutait iluani qaffini havangnikkut ublunginni Uqautaa (Ukiunga 2022)


| Qaffiujun Havangnikkut Ubluit                                    | Kitikmeot | Kivalliq | Ahiniittun Nunaptingnin | Qikiqtaaluk | Tamaat Atauttimut |
|--|-----------|----------|-------------------------|-------------|-------------------|
| <b>2 havangnikkut ublut</b>                                      | 99%       | 97%      | 96%                     | 90%         | 95%               |
| <b>3-5 havangnikkut ubluit</b>                                   | 99%       | 100%     | 100%                    | 99%         | 99%               |
| <b>6-10 havangnikkut ubluit</b>                                  | 100%      | 100%     | 100%                    | 99%         | 100%              |
| <b>Naunaiqtakhat amigaitqijaanin qulinin havangnikkut ubluit</b> | 100%      | 100%     | 100%                    | 100%        | 100%              |

Naunaitkut 1: Avvait Ihuigijaudjutini pihimajun illituripkaidjutait iluani qaffini havangnikkut ublunginni (Ukiunga 2022)

## Avvait Ihuigijaudjutini Ihuarhaqtaujuun iluani Tatqiqhiutini Ulbuinni

2022mi, OPRkut ihuarhijait 74% tamainnin ihuiguuutinin iluani 14-ni tatqiqhiutini ubluinni. Avaliiqtunun pidjutinun, 94% ihuaqhaqtaujuun atauhirmi tatqiqhiutimi, unalu 99% ihuaqhaqtaujuun iluani 60-ni ubluni.


Ilaani, ihuigijaudjutit pipkaqtijun avatqudhimajunik 15nik tatqiqhiutikkut ublunik ihuarhaidjutainni taimaatun anginiani ajurnarnianilu ihuigijaudjutimi ihariagijuq aallaniklu uqaqatigiigutinik tamainnik ilaujunik inungnik havaktiniklu.



# Ikajuqtaujumin Naammaginiq

Munarijaami nakuuninginni uumani ihumaliurnikkut havagutini ukunani inungni ihuigijaudjutini, OPR naunaijarhimajait inungni naamaidjutait mighaagun inirutainni ihuigijaudjutimi. Una ihumaliurnikkut havaguti ilaqaqtaaqtuq amigaittunik tigummidjutiquqtunik, paannariijaujunik timiqutinik, kavamatkut aanniaqtainirmut havaktiit unalu inuk.

[PC1] Amigaitqijaujuni pidjutini, inuit uqarhimajun naammagijait inirutait ihuigidjutimi. Kihimi, takunnaqtuq uvani Naunaitkutaa 4mi, imaakiaq 13%ngujun ihuigidjutaujuni hailingittun uqarujaami imaalu 5%ngjun ihuigidjutaujun nakuugingitait. Talvani ihuigidjutaujun naunaijaqtauffaarhimangittu, pidjutaa nalia taimaatun uqaqatigivikhakkut naunaitkutit tunijauhingimata OPRkunnun, imaaluunniit tunijauhijaujun uqaqatigivikhakkut naunaitkutit atuqtauhirmata (ukunatut hivajautikkut uqaraangamik nutqahangniq).



Naunaitkutaa 4: Ikajuqtaujumin Naammaginiq

# Iniqtirutit

---

2022-mi, ihumaaluutit tunijaujut OPR-kunnut pilluaqtaujut talvani Munariniq unalu mamihaidjutikhat pihimajuq qanurittaakhaanik munariniq, ihivriunniq, naunaijainiq/munariniq, aaniarviliaqtut munariniq, unalu havaktut ajuitaminik. Tugliq ihuagijauluaqtuq aaniaqviliaqtut tingmidjutait uvalu aaniaqtut munaqtiit ihumaalutit. Auladjutikkut, OPR avatquhimajaa inmi 80%kut turaangania illiturihimanikkut ihuigihidjutingnik iluani malruungni havangnikkut ubluni 2022mi, taapkunanilu Nunavunmiunni taapkuat OPR uqaqatigivaktait naunaijarnikkut, 75% nakuugijait inirutait ihuigidjutimingnin amigairjuumijuq 2021-min. Taimaalu, OPR ihuarhaqtait tikkunnuarhugu 80%mik tamainni ihuigidjutinik iluani 14ni tatqiqhiutikkut ubluni tunihimadjutini.

Ukununga Inuinnaqtun Uviititullu uqajuktunun ikajuqtaujun, tamaita uuktuutit pijait taimaa ihuigijaujun pidjutillu havaktaujaanginnik pilugillu pijumajainun uqauhikkut. OPRkut havaktiit taimaa 100% havatilgit Inuinnat havaktiinnik uqpariktunik tamangnik titirarhimajukkut uqarhimajukkullu Inuktitut Qablunaatullu.